

Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 4. Quomodo Logica ad actus aliarum scientiarum concurrat?

[urn:nbn:de:hbz:466:1-52248](#)

98 DE PROLEGOMENIS LOGICÆ.

ipsæ regulæ Logicæ non eruantur; etiam non erit scientia perfecta; cùm hæc non sit sine modo sciendi, qui hucusque aliis non fuit quām Logica.

§. IV.

Quomodo Logica ad actus aliarum scientiarum concurrat?

116. *Nota.* Concursus aliis est physicus & effectivus, aliis moralis. *Physicus* est, quando causa physicè & effectivè influit in suum objectum. Sic physicè concurrit Ludimagister, si tyroni inscribendo manum dicit. Concursus *moralis* est, si causa tantùm dirigat objectum, præscribendo regulas & modum operandi. Sic Ludimagister moraliter juvat tyronem, dum præscribit exemplar, secundùm quod literas efformat. *Status quæstionis* est ram de Logica actuali quām habituali: an rimirūm utraque vel physicè vel moraliter, an mediata vel immediate concurrat ad actus aliarum scientiarum?

117. *Dico 1.* Logica actualis *moraliter* tantùm & *directive* concurrit ad actus aliarum scientiarum. *Ratio* est, quia ex communi Philosophorum una cognitio non producit physicè aliam; cùm sit actus statim transiens: sed regulæ Logicæ sunt tales cognitiones; ergo.

118. *Dico 2.* Nec Logica habitualis concurrit physicè, sed moraliter tantùm. *Ratio* est, quia habitus naturalis acquisitus, juxta communem, physicè effectivè concurrit tantùm ad actus

aëtus similes iis, à quibus est generatus; sed habitus Logicæ est habitus naturalis acquisitus ex aëtibus Logicæ dirigenribus; ergo etiam ad hos tantùm effectivè physicè concurrit.

119. *Objic.* 1. Habitus Logicæ debet concurrere ad suum artefactum; sed artefactum Logicæ est v. g. in aëtu physico logicè recto; ergo habitus Logicæ ad talem aëtum debet concurrere. *R. D. maj.* Debet concurrere ad suum artefactum vel physicè vel moraliter C. necessariò physicè effectivè N. Nullus habitus artis concurrit physicè effectivè in materia propria ad suum artefactum; ergo multò minùs habitus Logicæ in materia aliena. *Si ais:* ex n. 118. Habitus Logicæ concurrit physicè ad aëtus Logicæ; sed aëtus aliarum scientiarum sunt similes aëtibus Logicæ; ergo etiam ad illos physicè concurret. *R. D. maj.* Concurrit physicè ad aëtus dirigentes Logicæ C. ad aëtus directos N. sed aëtus aliarum scientiarum sunt tantùm similes aëtibus Logicæ directis; ergo nec ad illos physicè concurrit. *Si quæras:* Quis tales aëtus logicè rectos in aliena materia physicè producat? *R.* Physicè & vitaliter producit illos habitus illius scientiæ, in cuius materia est talis aëtus, unà cum intellectu. *Nec obstat:* Quod habitus alterius scientiæ sit improportionatus ad aëtus, in quibus reperitur artefactum logicum. Nam licet sit improportionatus sine habitu Logicæ dirigente & illuminante intellectum; si tamen hic accedat directione suâ, illa impropositio tollitur.

100 DE PROLEGOMENIS LOGICÆ.

120. *Objic.* 2. Rectitudo logica, quæ in actibus aliarum scientiarum reperitur, debet habere principium effectivum, sed aliud non est assignabile, quam Logica habitualis; ergo. *R.* *D. maj.* Rectitudo logica materialiter & identice spectata, h. e. actus, cui identificata est rectitudo logica, debet habere principium sui effectivum C. rectitudo logica formaliter spectata, h. e. prædicatum rectitudinis, ut tale, requirit principium effectivum N. Principium effectivum actus, qui identificata habet rectitudinem logicam per se est intellectus, per accidens simul habitus aliarum scientiarum. Prædicatum autem rectitudinis formaliter spectatum requirit tantum principium sui directivum. Patet hoc in omni opere artificiose, in quo cognitio semper directivè tantum concurrit.

Inst. 1. In actu supernaturali fidei præter intellectum requiritur supernaturale principium effectivè ac physicè concurrens; ergo etiam actus logicè rectus in aliena materia elicitus requiriat præter intellectum principium logicum effectivè physicè concurrens. *R.* *N. conseq.* *Disp.* est: Actus fidei totus est supernaturalis & totus vitalis, adeoque debet habere principium & vitale & supernaturale physicè influens, cum nullum per aliquid aliud suppleri possit, & satis proportionatum reddi ad tales effectum se solo ponendum; ut interim ex Theologia supponimus. Aliud est in opere artificiose, quale est actus logicè rectus, in aliena materia elicitus, quod præter potentiam executricem requirit prin-

DE PROLEGOMENIS LOGICÆ. 101

principium tantum directivè influens, cum accedente sola directione potentia executrix sit satis proportionata tali effectui, ut quotidiana docet experientia.

Inst. 2. Habitus Logicæ discurrendo in materia aliarum scientiarum intenditur; sed hoc fieri nequit sine concurso physico; ergo. *R. 1.* *N. maj.* Non enim intenditur directè habitus Logicæ dirigens, de quo hic est quæstio; sed directus, quia ab actibus directis non nascitur habitus, nisi pariter directus. *R. 2.* *D. maj.* Intenditur habitus Logicæ dirigens directè & immediate *N.* indirectè & mediataè, mediantibus scilicet actibus Logicæ dirigentibus *C.* *R. 3.* Etiam minor falsa est; nam habitus intendi etiam possunt per concursum directivum.

Inst. 3. In actum, qui v. g. simul est temperantiæ & misericordiæ, utriusque virtutis habitus influit physicè; ergo etiam ad actum v. g. physicum Logicè rectum, utriusque scientiæ habitus physicè influit. *R. 1.* *N. ant.* Nullus enim habitus naturalis dirigens physicè influit in actus directos. Sola proinde voluntas directa & illuminata ab habitu utriusque virtutis producit physicè talem actum. *R. 2.* *T. ant.* *N. conf.* *Disp.* est, quia in casu priore actus est formaliter ac directè & temperantiæ & misericordiæ. In posteriori autem casu actus ille directè est physicus tantum; cum habeat materiam physicam, à qua ceu objecto specificatur omnis actus.

102 DE PROLEGOMENIS LOGICÆ.

121. *Dico* 3. Logica habitualis concurrit ad actus aliarum scientiarum tantum me diatè; quia mediantibus actibus dirigentibus illuminat & dirigit intellectum, ut cum habitu aliarum scientiarum sit proximè potens ad eliciendos actus logicè rectos in materia aliena. Logica verò actualis concurrit immediatè ad tales actus; quia immediate per suas regulas dirigit intellectum, quomodo debeat sine periculo erroris definire, dividere, discurrere. Hæc de Prolegomenis satis dicta sunt; ex quibus Logicæ præstantiam necessitatémque dum colligis, quantum huic studio studium impendas, ipse, mi Lector, conclude.



TRA-